



Broj: 01-45-1621/25
Datum: 14.3.2025. godine

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, Strategijom zapošljavanja u Federaciji BiH 2023-2030 („Službene novine Federacije BiH“, broj: 94/23), ciljevima iz Programa rada Federalnog zavoda za zapošljavanje za 2025. godinu, Trogodišnjeg plana rada Federalnog zavoda za zapošljavanje 2025-2027 i Odluke o usvajanju Programa sufinansiranja zapošljavanja 2025, broj: 01/1-45-303/25 od 12.2.2025. godine, Federalni zavod za zapošljavanje, o b j a v l j u j e

JAVNI POZIV

za učešće nezaposlenih osoba u realizaciji Programa sufinansiranja zapošljavanja 2025

I DATUM OTVARANJA JAVNOG POZIVA I DUŽINA TRAJANJA

Poziv je otvoren od 24.3.2025. do 26.3.2025. godine u periodu od 8:00 do 16:00 sati.

II PRAVO UČEŠĆA

Pravo učešća u Programu imaju poslodavci registrirani u Federaciji BiH koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

U Programu ne mogu učestvovati:

- poslodavci koji su koristili kreditna sredstva iz poticajnih mjera Zavoda, a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva,
- poslodavci koji ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

III PRIJAVA NA JAVNI POZIV

Poslodavac se prijavljuje za sudjelovanje u Programu putem web portala Zavoda, koristeći svoje korisničko ime i lozinku ili odabirom linka za sudjelovanje u Programu na web portalu Zavoda: www.fzzz.ba.

Poslodavac u obrazac prijave unosi zahtjeve za sufinansiranjem zapošljavanja. Obrazac prijave se sastoji od podataka o poslodavcu (podaci iz registracije), kao i dijela u kojem poslodavac navodi svoje potrebe po mjerama za tražene osobe (broj traženih osoba, stručna sprema, kanton u kojem se nezaposlena osoba nalazi na evidenciji).

Poslodavac može podnijeti zahtjev za sufinansiranje zapošljavanja osoba iz svih kantona/županija po svim mjerama, s tim što po jednom kantonu može zaposliti ukupno 20 osoba sa evidencije nezaposlenih. U slučaju da se u prijavi navede veći broj osoba od prethodno definiranog, takav zahtjev neće biti prihvaćen, te se poslodavac obavještava o potrebi izmjene takve prijave.

Također, u slučaju da je to mjerama predviđeno, poslodavac se opredjeljuje za period sufinansiranja u okviru ponuđenih opcija (1, 2, 3, 4, 5, 6 i/ili 12 mjeseci).

Prijave na javni poziv se evidentiraju, u realnom vremenu, na web portalu Zavoda po datumu i vremenu podnošenja istih. Sve prijave će, sukladno pravilima Programa, biti provjerene.

Po okončanom postupku prijave, poslodavac dobije link odabirom kojeg se pojavljuje popunjen obrazac prijave kojeg je dužan isprintati, te Zavod pristupa provjeri kvalificiranosti poslodavca (status: „na provjeri“) za sudjelovanje u Programu.

U slučaju da nema dovoljno sredstava po određenim zahtjevima iz prijave, prijava se zaprima sukladno visini raspoloživih sredstava u trenutku podnošenja prijave, odnosno, prijava će biti zaprimljena za onaj broj nezaposlenih osoba za čije sufinansiranje u trenutku podnošenja prijave ima dovoljno raspoloživih sredstava.

Poslodavci koji su se prijavili na javni poziv, a za čiju realizaciju prijave nije bilo trenutno raspoloživih sredstava uvrstavaju se na listu čekanja (status: „na čekanju“).

Lista čekanja za poslodavce koji se nalaze na istoj će se aktivirati za one mjere i kantone, gdje su se sredstva učinila raspoložena.

IV IZNOS RASPOLOŽIVIH SREDSTAVA

Za realizaciju Programa predviđena su sredstva u ukupnom iznosu od **43.000.000 KM** u skladu sa Finansijskim planom Zavoda za 2025. godinu i procjenom za 2026. i 2027. godinu, s tim da je ovim pozivom planirana realizacija **33.000.000,00 KM**. Za mjeru Tražim poslodavca 2025 javni poziv će biti naknadno objavljen.

Informacije o planiranim sredstvima po mjerama sufinansiranja, te iznosima mjesečnog sufinansiranja dostupne su u Programu.

V CILJ I OPIS PROGRAMA

Program se realizira s ciljem zapošljavanja najmanje **3.750** osoba sa evidencije nezaposlenih u Federaciji BiH sa posebnom socijalnom i rodnom osjetljivošću, radi njihovog zapošljavanja, sprječavanja dugotrajne nezaposlenosti, očuvanja i unaprjeđenja radnih sposobnosti, te stvaranja uvjeta za jačanje konkurentnosti mladih osoba bez radnog iskustva kroz osposobljavanje za rad u struci i stjecanje prvog radnog iskustva.

Programom je definirano deset (10) mjera sufinansiranja, i to: Zapošljavanje pripravnika 2025, Mladi sa iskustvom 2025, Zapošljavanje žena 2025, Prilika za sve 2025, Zapošljavanje demobiliziranih branilaca/razvojačenih branitelja 2025, Periodično/sezonsko zapošljavanje 2025, Nova mogućnost 2025, Javni radovi 2025, Pomoć potrebnima 2025 i Tražim poslodavca 2025, uz napomenu da će se navedena mjera objaviti naknadno.

VI OBRADA PRIJAVA

kvalificirani poslodavac, tj. onaj koji ispunjava navedene uvjete predviđene Programom, a ne traži od Službe posredovanje u zapošljavanju, treba, radi daljnje provjere sa ciljem zaključenja ugovora, Službi dostaviti sljedeću dokumentaciju:

- isprintanu Prijavu na Javni poziv, ovjerenu i potpisanu od ovlaštene osobe (za svaku mjeru pojedinačno),
- ugovore o radu s nezaposlenim osobama čije se zapošljavanje sufinancira, a koje je poslodavac zaposlio nakon podnošenja prijave, prijavljene na puno radno vrijeme, u skladu sa odredbama člana 26. Zakona o radu FBiH,
- uvjerenje Porezne uprave Federacije BiH o izmirenim porezima i doprinosima ne starije od mjesec dana od dana objave javnog poziva/aktiviranja liste na čekanju ili Sporazum s Poreznom upravom Federacije BiH o izmirenju duga po osnovu poreza i doprinosa. (Ukoliko poslodavac potpisuje više ugovora o sufinanciranju zapošljavanja po različitim mjerama, prilaže jedan original navedenih dokumenata, i kopije istih za ostale mjere na koje je aplicirao),
- dsprintan i popunjen Obrazac o sufinanciranim osobama (Obrazac SO), ovjeren i potpisan od ovlaštene osobe, koji je dostupan na web portalu Zavoda,
- dokaz na osnovu kojeg se iznos sufinanciranja povećava za 10% sukladno odredbama Programa,
- dokaz kojim se potvrđuje status demobiliziranog branioca/razvojačenog branitelja, odnosno demobiliziranog branioca/razvojačenog branitelja dobrovoljca (samo za mjeru „Zapošljavanje demobiliziranih branilaca/razvojačenih branitelja 2025“).

Služba provjerava dostavljenu dokumentaciju te ukoliko je poslodavac dostavio nepotpunu ili dokumentaciju koja nije odgovarajuća/validna ili nije ispoštovao obaveze u skladu sa ranije zaključenim ugovorima o sufinanciranju zapošljavanja, obavještava poslodavca o eventualnoj potrebi dopune dokumentacije u ostavljenom roku, koji ne može biti duži od Programom definiranih rokova, odnosno o razlozima nepotpisivanja ugovora.

Nakon što poslodavac potpiše i ovjeri sve primjerke ugovora, Služba potpisuje i ovjerava iste te ih dostavlja Zavodu.

Uz primjerke ugovora, Služba Zavodu dostavlja i Uvjerenje Porezne uprave Federacije BiH o izmirenim porezima i doprinosima ili Sporazum s Poreznom upravom Federacije BiH o izmirenju duga po osnovu poreza i doprinosa i Obrazac o sufinanciranim osobama (SO Obrazac)..

Ukoliko su svi uvjeti ispunjeni, Zavod potpisuje i ovjerava sve primjerke ugovora, te zadržava jedan (1) primjerak, a ostale vraća Službi.

VII OPŠTE NAPOMENE

Dodatne informacije o postupcima, proceduri i aktivnostima iz Programa, poslodavci dobivaju u Zavodu i službama.

Kontakt telefoni u Zavodu: 033/562-900; 033/562-952; 033/562-965; 033/562-957; 033/562-966; 033/562-968; 033/562-945.

Program sufinansiranja zapošljavanja 2025 i pripadajući obrasci su sastavni dio Javnog poziva.